



EXCMO. CONCELLO DE BETANZOS

Praza Galicia, 1
Teléfono: 981 77 00 11
Fax: 981 77 65 29

VIII edición da semana do pincho

BASES:

- 1) O evento que a continuación se regula levará por nome “ **Semana do Pincho**”
- 2) Poderán participar neste evento todos aqueles establecementos hostaleiros con local aberto e en funcionamento no termo municipal de Betanzos.
- 3) O prazo de inscricións rematará o día 21 de novembro de 2018.
- 4) A “Semana do Pincho” terá lugar nos establecementos hostaleiros inscritos entre os días **30 de novembro e 9 de decembro de 2018**.
- 5) Os establecementos participantes non poderán repetir o mesmo petisco en dúas edicións consecutivas.
- 6) Durante o evento os establecementos participantes terán que pór a disposición da clientela, para a súa consumición, un pincho elaborado, nun horario que estará especificado en cada caso no impreso de solicitude e no material promocional do evento.
- 7) Os propietarios ou responsables de todos os establecementos participantes estarán obrigados a acudir a calquera acto de promoción do evento que o Excmo. Concello de Betanzos estime oportuno, así como a colocar en lugar visible do seu negocio a publicidade e os distintivos subministrados por este.

- 8) Cada establecemento participante deberá elaborar un pincho, sendo os seus ingredientes e o seu prezo de libre elección por parte do mesmo.

Ademais todos os participantes deberán ter o pincho preparado entre os días 22 e 23 de novembro para que o Concello poida sacarlle unha fotografía con vistas a ser publicada no folleto promocional.

Aqueles establecementos que así o prefiran poderán enviar a fotografía do seu pincho (con calidade suficiente para a súa publicación) á dirección de correo electrónico lugami@lugami.com

Os establecementos que non poñan a disposición do Concello de Betanzos o seu pincho nas datas sinaladas para realizar a fotografía e tampouco envíen ésta á dirección de correo electrónico sinalada, quedarán excluídos da VIII Semana do Pincho de Betanzos.

- 9) Cada establecemento participante terá a disposición da clientela folletos cun plano de situación de todos os locais que formen parte deste evento. Estes folletos serán proporcionados polo Excmo. Concello de Betanzos.

Na parte posterior de cada un deles figurarán **5 recadros en branco** destinados a que cada establecemento que o cliente visite e no que deguste o seu pincho coloque **o seu selo distintivo (non se aceptará firma)**. Os clientes que completen os **5 recadros** selados por diferentes establecementos poderán depositar este mesmo folleto cos seus datos particulares no local que desexen, participando deste xeito no sorteo de tres premios de 100 Euros en vales de compra nos comercios asociados á Asociación de Comerciantes e Empresarios de Betanzos, e outros posibles patrocinadores podendo ademais votar polo pincho que dexese. **O computo de todos os votos emitidos deste xeito determinará o gañador do concurso na súa categoría de premio popular.**

- 10) Aqueles establecementos que tomen parte neste evento estarán obrigados a participar no concurso que determinará o gañador do premio ao mellor pincho da **“Semana do Pincho”**, en calquera das súas categorías (premio do xurado e premio popular).

11) O establecemento gañador deste premio escolleráse do xeito seguinte:

- Nunha primeira fase os membros do xurado recorrerán por sorpresa e todos xuntos cada un dos locais, entre os días 3 e 7 de decembro de 2018. Os membros do xurado irán pertinentemente acreditados e seralle servido un pincho para a súa cata e unha bebida sen cargo ningún. Este xurado decidirá coa súa puntuación de 0 a 5 cales serán os 5 pinchos finalistas.
- O sábado 8 de decembro o Excmo. Concello de Betanzos poñerá en coñecemento dos 5 finalistas a súa condición de tales.
- O domingo 9 de decembro os finalistas terán que acudir a partir das 11.00 horas ao 1º andar do edificio Liceo con doce pinchos iguais entre si e descritos na súa solicitude. Nese momento o xurado determinado ao efecto realizará, coa presenza de todos aqueles que queiran asistir, a oportuna cata e farase público o nome do establecemento gañador.
- O xurado estará composto, por recoñecidos membros do ámbito gastronómico, nomeados a tal efecto pola Alcaldesa.

12) Os establecementos que resulten gañadores en ambas categorías (profesional e popular) serán agasallados por parte do Concello cunha placa conmemorativa.

13) As presentes bases son de obrigado cumprimento. Calquera establecemento que as incumpra poderá quedar excluído da “ **Semana do Pincho** ” en edicións posteriores.